

Voce spenta

Sermanacciu era natu
Cù lu cantu in paghjella
Da sempre hà incantatu
Tutta la so Cursichella
Ma oghje si n'hè andatu
À campà nù l'alta stella

L'Isula à issu cantadore
Hè stata più chè fidele
È ne vole à lu Signore
Pienghje la sorte crudele
Ghjè spartutu lu dolore
À Diu la voce di mele

U versu di l'antenatu
Pà bocca la so bandera
Grazia à ellu apprezzatu
Ancu in terra strangera
Prestu prestu cunquistatu
Da issa dimarchja sincera

Ci lascia li so tesori
Un patrimoniu cumunu
Trà Petru è li s'autori
Ùn facianu chè unu
È cù li compositori
Prim'à elli ùn ci hè nisunu.

Cathy Campana, ottobre 2021

